



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Concilivm Toletanvm Avctoritate Aegidii Archiepiscopi Toletani celebratum
anno Domini MCCCXLVII. tempore Clementis papae VI.

urn:nbn:de:hbz:466:1-15653

CLEMENS P. VI. TOLETANVM. CAROLVS IV. IMP. 131
ALPHONSVS XI. R. CASTELLÆ.

nitum sigillo vobis suffraganeis transmittatis cui adhiberi volumus plenam fidem. Datum Auinione 13. Kalendas Nouembris pontificatus nostri anno octauo.

ANNO
CHRISTI
1347.

CONCILIVM TOLETANVM
AVCTORITATE ÆGIDII ARCHIEPISCOPI
Toletani celebratum anno Domini MCCCXLVII.
tempore Clementis papæ VI.

TIT VLI CAPITVLORVM.

- I. De vita & honestate clericorum. III. De pœnitentijs & remissionibus.
II. De immunitate ecclesiarum. IV. De simonia.

CAPITVLA.

Ægidius miseracione diuina archiepiscopus Toletanus, Hispaniarum primas & regni Castellæ cancellarius, ad perpetuam rei memoriam.

I.

AD reformandam in prælatis honestatem, ne aduersus eos qui vni Domino famulantur, ex aliqua dissimilitudine præbeatur occasio obloquendi: attendentes quod recolendæ memoriæ dominus frater Guillelmus episcopus Sabinensis, in his partibus tunc apostolicæ sedis legatus, in constitutione quæ incipit, *Quamuis honestas morum*, inter cetera prouide statuit, quod episcopi & superiores prælati, cum eos equitare contigerit, cappellos suæ dignitati deferant congruentes. Nos cupientes suffraganeos nostros similitudine decenti & debita, vt in ecclesia vnum ouile & etiam vnus pastor valeat apparere, in qua flores honoris & honestatis fructus in vbertate succrescant, sacro approbante Concilio statuimus, cum nos episcopi suffraganei nostri cum cappellos detulerimus rotun-

Concil. Tom. 29.

R ij

Locus corruptus.

dos & in superiori parte laneos, nullatenus sericos, cum nigra & non alterius coloris fodratura portemus. Qui vero secus facere præsumperit, tamquam inobediens & inhoneste incedens, mille marabetinorum vsualis monetæ summam eo ipso soluere teneatur, quorum tertia pars fabricæ ecclesiæ suæ, alia pars denunciatori, reliqua vero pars redemptioni captiuorum irremissibiliter applicetur.

II.

Ceterum quorumdam habet fida relatio, quod nonnullæ ecclesiasticæ personæ ad obseruandam cessationem diuinorum officiorum iuxta constitutionem præfati domini legati, quæ incipit, *Quia caelestis*, nimis promptæ, si aliquis excessus contra ipsam constitutionem perpetratus dicatur, cessant & cessare faciunt illico a diuinis: Nos salubri meditatione considerantes quod huiusmodi cessationis tempore diuina organa suspenduntur, & ecclesiastica sacramenta non vt solent ministrantur, fidelium deperit deuotio, & multiplicantur pericula animarum, eodem approbante Concilio statuimus, quod si quis personas ecclesiasticas lædere, aut capere, aut aliqua alia in prædicta constitutione contenta attentare præsumperit, ad cessationem & alias pœnas in dicta constitutione contentas, nisi prius citato malefactore, si inueniri & tute citari possit, alias in cathedrali vel parochiali ecclesia malefactoris ecclesiastica citatrice publicata, eius defensionibus, si quas legitimas habuerit, auditis, si idem malefactor diffiteatur se in dictam

ANNO
CHRISTI
1347.

constitutionem incidisse, aut comparere noluerit, & summaria cognitione præmissa culpabilis fuerit inuentus, nullatenus procedatur, nisi a deo sit excelsus notorius, quod nulla possit tergiuersatione celeri.

Rursus in prouinciali institutione per bonæ memoriæ dominum Eximinum archiepiscopum Toletanum prædecessorem nostrum, quæ incipit, *Diuinis exemplis*, inter alia cautum esse nouimus, quod raptores, inuasores, vastatores & deprædatores bonorum ecclesiarum, vel clericorum, aut vassallorum ecclesiæ, qui bona prædicta ex proposito nocendi cum armis occupauerint vel rapuerint, seu inuaserint violenter, aut ceperint vassallos ecclesiæ, excommunicationem incurrant. Quia vero statutum ipsum propter malitiam temporis tunc instantis rationabiliter editum, nonnullis nimis rigorosum videtur; nos huiusmodi rigorem quoad præmissos casus mansuetudine temperantes, eodem approbante Concilio statuimus, quod si præmissa vel aliquid præmissorum quisquam commiserit, requisitus per iudicem ecclesiasticum, si inueniri & requiri possit; alias requisitione in cathedrali vel parochiali ecclesia ipsius malefactoris publicata, infra quindecim dies a tempore prædictæ requisitionis inantea numerandos, captum a captione liberare, & de illatis damnis emendam competentem facere contempserit, eo casu & non aliter excommunicationis sententiæ se nouerit subiacere, vt sic eius insolentia reprimatur, aliis in dicta constitutione contentis in suo robore duraturis.

III.

ANNO
CHRISTI
1347.

Sane de quæstoribus eleemosynarum, quorum quidam mentiendo alios seducunt, & eleemosynas fallace ingenio extorquent, statuimus hoc edicto, quod episcopi suffraganei nostri, vel sede vacante, vicarii per capitulum deputati nullum quæstorem de extra episcopatum suum, nisi literas apostolicas aut nostras exhibuerit, quomodolibet admittant: mandâtes quod cum quæstores pro fabrica suarum cathedralium ecclesiarum, vel pro aliis piis operibus suorum episcopatum receperunt, constitutionem felicis recordationis domini Clementis papæ V. quæ incipit, *Abusionibus*, in Concilio Vienensi contra quæstores huiusmodi editam, in omnibus faciant inuiolabiliter obseruari. Contrarium vero facientes duorum millium marabetinorum vsualis monetæ pœnam incurrant: quorum tertiam partem fabricæ ecclesiæ cathedralis, aliam denuntiatori, reliquam vero partem redemptioni captiuorum applicamus.

IV.

Verum quia plerumque in exactione emolumentum figilli nonnulli metas rationis excedunt, & tam pro licentia quo ad studia literarum, seu qua animarum cura ad tempus committitur, quam pro litera dimissoria, qua cuique se ad alias partes transferendi licentia conceditur, quantitates indebitæ extorquentur: Nos eorum insatiabilem voraginem compescere cupientes, statuimus eodem Concilio approbante, vt pro qualibet prædictarum literarum possint sex marabetini & duo denarii pro

ANNO
 CHRISTI
 1347.

cancellaria, & vnus marabetinus pro regesto, & non amplius recipi vlllo modo. Qui vero contrarium fecerit, mille marabetinorum pœnam incurrat, diuidendam & ampliandam, vt superius est præmissum.

Datum apud Alcalam Toletanæ diœcesis, die vigesima quarta mensis Aprilis, qua die dictum Concilium extitit terminatum, sub anno Domini millesimo trecentesimo quadragesimo septimo, sub sigilli nostri impressione in testimonium præmissorum, præsentibus venerabilibus in Christo fratribus nostris Blasio Dei gratia Palentinensi, & Garsia Conchenfi, & Ioanne Giennensi, episcopis suffraganeis nostris, & capituli Toletani & aliorum suffraganeorum nostrorum & capitulorum ipsorum procuratoribus, qui præmissis omnibus & singulis suum præstiterunt consilium pariter & assensum.



ANNO
 CHRISTI
 1352.

V I T A
 INNOCENTII PAPÆ VI.

INNOCENTIVS VI. ait Trithemius, natione Lemouicensis, vir bonus & amator religiosorum, & canonista maximus, qui Carolum imperatorem postea coronauit, successit Clementi decimosexto Kalendas Decembris anni 1352. tempore Caroli IV. imperatoris, Stephanus antea vocatus, ex episcopo Claromontano & cardinali pontificatum adeptus, multas reformationes per prædecessores suos illatas abrogauit. Prælati & beneficiati, vt in suis locis residerent, iniunxit: impensas aulae suae familiamque imminuit. Domi suae non alios viros quam peritissimos alere voluit, idemque cardinalibus vt facerent præcepit. Palatii auditoribus stipendia constituit, ne se præmiis corrumpi paterentur. In Italiam misit Ægidium Hispanum cardinalem, qui rebus Italicis sua præsentia magnum adiumentum attulit. Interea temporis quo Franciscus Baroncellus senatoriam dignitatem Romæ sibi vsurpauerat, pontifex Nicolaum Rentii e carceribus educatum libertate donauit, vt altero alteri opposito, inter se